

II.

Si bonitas morum, sapientia, culmen honorum,
 Si quem fecundi seruaret gloria mundi,
 Qui modo defletur Wido numquam moreretur.
 Sed nullum mores sapientia census honores
 5 Seruant: sic igitur mors nunc Widone potitur.

III.

Heu uir famosus, tam pollens, tam studiosus,
 Tantum laudatus, per tot terras ueneratus,
 Filius Italiae, sed alumnus philosophiae,
 Cuius doctrina uiget in regione Latina,
 5 Occidit. Orbata, doctore tuo spoliata
 Gallia lugeto, tu philosophia doleto,
 Quae nutriuisti, quae sic illum docuisti.
 Luge grammatica, Widonis semper amica.
 Leto Widonis moriuntur dicta Platonis,
 10 Leto Widonis deletur opus Ciceronis,
 Leto Widonis tacuerunt facta Maronis,
 Leto Widonis cessauit musa Nasonis.
 Pitagoras, Socrates, Plato, Tullius et Maro uates
 Quicquid senserunt, quicquid cuncti docuerunt,
 15 Hauserat hic totum, placet ergo fundere uotum:
 Liber ab inferno regnet cum rege superno.
 Dignus ubique cani defunctus Mediolani
 Ordine fatali iacet in patria Latiali,
 Ut sibi natalis laeto fieret socialis.

IV.

Si preceptorum superest tibi cura meorum,
 Parce, puer, nugis dum rus colo tempore frugis.
 Prefigam metas, quales tua postulat etas,
 Quas si transgrederis, male de monitore mereris.
 5 Contempto strato summo te mane leuato,
 Facque legendo moram quartam dumtaxat ad horam.
 Quinta sume cibum, uinum bibe, sed moderatum,
 Et pransus breuiter dormi, uel lude parumper.
 Postquam dormieris, sit mos tuus ut mediteris,
 10 Que meditatus eris, tabulis dare ne prigriteris.
 Que dederis cere spero quandoque uidere.
 Post hoc i lectum; cum legeris, ito comestum.
 Post sumptas escas, si iam monet hora, quiescas.
 Si tempus superest, post cenam ludere prodest.
 15 Sub tali meta constet tibi tota dieta.

IV befindet sich auch unter den Gedichten des Marbod von Rennes, in Hildeberti Opp. ed. Beaugendre p. 1623; ferner Carmina Burana p. 73 und Cod. lat. Monac. 10751 f. 74. — v. 2 durusculo Hds. 12 illece-
 tum Hds.